

叢臺集

地750.13  
19.91

叢臺集序

叢游歐美於羣島見二千餘年之古城遺址一磚一石燦然  
備列社會窗人所以愛惜之者無不至美為新建之邦  
亦威飾歷史遺物以為國光他國稱是蓋所以資憑  
弔助美育俾目擊者如游心於歷史中與往古社會  
相觸接意至美也吾族有史垂四千年古物之存者  
鐘鼎彝器金石文字外 建築之物率為古聖賢帝  
王陵墓宮室之倫則以代有兵燹存者寥寥其歷年  
之久而可與孔子故居並峙者則邯鄲之叢臺也台之  
名始見於漢書顏師古註曰以女連聚非一故名蓋六王  
時趙王之故台也名勝志謂為趙武靈王所築云今台  
在城東北隅為明嘉靖間兵備副使楊彝重加修繕

叢台集

建有據勝亭清高宗南巡曾留題刻石其上同治間邑令  
英祭侯國鈞續為建築存至今日壬戌秋予駐軍茲  
土軍書餘暇輒與二三袍澤聯袂登臨氣爽天高雲蒸  
霞起紫山西峙滏河北迴樹色粘天薄雲遍野牛羊  
歸牧樵歌互答感人事之不常喜斯台之宛在唯是  
丹漆蝕於風雨名區委諸草萊時統軍孫公禹行駐邯  
鄲胡公立生駐邢台岳公西峯駐洹上爰相與集貲屬  
邑紳王君文山董其事就台次舊神祠改建武靈舊  
館於其側新築三楹名曰如意軒以漢書稱趙王營  
叢台趙王者高帝子如意也軒之上為台以小橋通於  
叢台上台四周與城堞間有仄徑曲折通內外因就其  
上為棚遍植藤葡萄瓜豆之屬復就台旁積石為洞建

屋其次而古籍相傳台有天橋雪洞粧台翠被諸勝者依稀近之台下舊有明太保張國彦庶園十餘畝園歸台址其地有湖備水道通城壕步久湮廢今俱為修鑿如故湖中有島因舊有望諸君祠爰建望諸榭于其上邑有三忠祠及四賢祠祠韓厥程嬰公孫杵臼廉頗李牧趙奢藺相如今俱廢湖之西北隅得隙地因合建為七賢祠府以開國以來陳先烈存舊跡式先賢資觀感也湖之四周築路築堤二從西北向及東向通於望諸榭於其交會之處設宛在亭延長西側通路北達趙武靈王叢台故址碑台折而西過明張太保舊坊連於通衢而計畫畧備並擬刻古賢今人詩賦於其上以為文飾輒復尋討志乘集舊作之涉於叢台者上自曹魏下

叢台集

二

迄勝清得文賦十首詩詞五十餘首益以掌故十餘更編為專集頌諸海內博雅羣幸廣其意發為詩文書畫俾存之名區勒諸貞石與斯台同其不朽則所以存古物揚國光助美育資登臨憑吊者其為得不已多歟是為序壬戌孟秋侯官何遂識於邯鄲軍次

叢臺集目錄

卷首 寫真圖

叢臺寫真

重修叢臺計圖

卷一 掌一十四則

漢書一則

後漢書一則

水經註一則

周書一則

唐白樂天集一則

宋人北轅錄一則

幾輔通志二則

叢臺集

邯鄲縣志三則

廣平府志三則

近人記事一則

卷二 記紀事共七首

據勝亭記

創建三忠祠記

縣尹張公修城記

聖諸君祠記

叢臺紀事

英公修城記

重修叢臺記

卷三 賦三首

明楊 彝

盧龍雲

唐 彝

清鄭方坤

張慎發

崔華山

張煥然

叢臺

前題

前題

前題

前題

前題

前題

前題

前題

前題

邯鄲懷古

廉將軍廟

叢臺集

登叢臺

邯鄲

登叢臺

春日登叢臺因歷台下僧院

邯鄲道上

叢臺懷古

前題

前題

前題

前題

五絕一首

叢臺

唐李遠

金王繪

元陳孚

明張煌

任漸

陳寧

錢應普

張承仁

盧雍

桂天祥

賀煥然

王鶴

三

清乾隆帝

宋琬

劉佐

鄭方城

鄭燮

張孟鸞

張楚喬

張子揚

謝月槎

英棨

明金貴

七絕八首

泊花石浦

邯鄲懷古

叢臺

送潘令之邯鄲

叢臺

前題

照眉池

趙城雜咏餘一

詞一首

叢台懷古沁園春

叢臺集

唐劉言史

元王惲

元元好問

明李攀龍

謝景星

張弛

曹瓚


清鄭方坤

清陳惟喬

四

# 臺業

中華民國十二年四月完竣



尺之一分千一  
10 0 10 20 30 40 50 60 70 80 90 米

叢臺集

卷一 掌故 十四則

漢書高后元年夏五月丙申趙王宮叢臺災

顏師古注曰連聚非一故名叢臺蓋六國時趙王故臺也見高后紀又見五行志但少王宮二字叢臺之名始見於此

後漢書光武據邯鄲與諸將馬武等置酒高會既罷獨與武登叢臺從容謂武曰若得漁陽上谷突騎欲令將軍將之何如武曰駕怯無方畧世祖曰將軍久將督兵豈與我掾史同哉武由是歸心

水經牛首水出邯鄲西堵山東流入邯鄲城經溫明殿南又東經叢臺南云云按牛首即今之沁河在城西半里

叢臺集

許

周書靜帝詔美隋王功稱叢臺以北易水以南云

邯鄲驛站舊稱叢臺驛唐白居易有過叢臺驛詩曰邯鄲驛裏逢冬至抱膝燈前影伴身想得家中夜深坐還應說着遠行人

宋人北轅錄邯鄲有叢臺在宮苑中其上有雪洞天橋梳粧翠被諸景其下之南則曰衽服市其西北有照眉池皆趙宮人游玩之地

畿輔道志叢臺在縣東北二里相傳趙築叢臺餘土積此唐劉言史工詩歌知名於時從王武俊獵於野考其絕句有云有公舊叢臺廢苑東可憑弔詩人之居矣

邯鄲縣志邯鄲為趙故都城池本自高深如叢臺距照眉



池頗遠俱趙宮中景物城之廣濶可知自秦二世時秦將章邯破邯鄲遂徙其民河內夷其城郭後此建復不知何時或亦勢不及前矣然水經稱牛首水入邯鄲城經溫明殿南則漢時之城亦非狹小可知又按宋人北轅錄云叢臺在邯鄲城北則臺以南當為城之北址乃在洪武初南不過斜街口北則達觀音閣遠不及二里東西僅半里許何其隘也迨成化間始於城南北各拓半里許即於拓處開東西四門正德六年薊盜起城甚陋知縣張偉亟修之不踰月告成是時城尚未有池嘉靖十年知縣趙時吉始為之且塞東西四門更酌南北之中東西各開一門已兵備副使楊彝循城見城東有叢臺與城相逼乃築甬道濶丈許使與臺連仍亭其

叢臺集

二

而以據勝名之至二十五年城大壞知縣董威改築即今城也周八里高三丈基厚如高顛半之築敵臺二十有五砌女牆千五百八十有四門各券層城東曰瞻岱西曰珠沁南曰帶河北曰拱極詳具袁修撰煒修城記且於築城時夾叢臺甬道與版鍾向之濶丈許者遂與臺等後之建講院者其地也

叢臺在城東隅世傳趙武靈王所築其上有雪洞天橋諸景顏師古漢書註云以其連聚非一故曰叢臺嘉靖十三年甲午兵備楊彝建據勝亭於臺上有記二十五年丙午臺經知縣董威重修三十六年知縣向洪於臺西建察院一所後兵備陳公從彤家言改之臺上自是科名漸盛萬曆間知縣朱光祚歐陽調律相繼重修康

熙十年知縣張慎發復修有記乾隆十五年知縣懷蔭  
布奉文恭建行宮於其上大加修整後遇地震遂成瓦  
礫知縣英榮侯國鈞相繼重修有記

照眉池在城西南三里乃趙王宮中故蹟其池方十數  
畝今為耕地矣嘉靖丙午知縣董成修築叢臺創出全  
人詩石二片石上有小字云池在臺旁今池乃距臺三  
里許豈所謂臺者別有一池今乃湮沒耶抑如顏師古  
註叢臺者謂其連類非一今池畔有臺環峙內多白石  
意其連聚非一者即在此地歟 按現叢臺下有池已  
汙淺相傳地為明張國彥園中池本稱後湖有水門通  
於城壕小舟可以出入金人詩石所稱池在臺旁或即  
指此也

叢臺集

三

廣平府志卷三十七云叢臺邯鄲縣志云趙都城當以今城  
之有叢臺者為是若世傳趙有二都城矣晉齊後主嘗  
營邯鄲宮極其雄麗安知此非其地耶且自漢以後王  
趙者世世有之所築城皆得稱以趙王城豈可即指為  
戰國時物哉考與程記云趙王城南二十里至臺城  
剛又西南二十里即磁州蓋漢以前邯鄲城大數十里  
今縣城及故城皆邯鄲也湮於後所存者止此耳

卷三十八

云叢臺在城東北

大清一統志

高后元年趙王宮

叢臺災

前漢書

連聚非一故名叢臺

漢書

世祖拔邯鄲

與馬武登叢臺

後漢書

六國時趙王之臺也劉劭趙都賦

曰結雲閣於南宇立叢臺於少陽今遺基舊壙尚在

水經注

叢臺在邯鄲縣城內東北隅

元和郡縣志

明嘉靖十三年兵

備副使楊彝建據勝亭於臺上清康熙十六年後修為  
遊觀勝地畿輔通志乾隆十五年知縣懷布增修同治二年  
知縣英祭四年知縣侯國鈞相繼重修

按漢高后時趙王宮叢臺災不應在今之城東北隅名  
勝志云趙武靈王所築叢臺上有雪洞天橋諸景據此  
則今之叢臺後人所改建非趙宮故址也

氏國十一年秋陸軍第十五混成旅司令部駐邯軍書之  
暇捐資就叢臺增修武吏舊館如意軒七賢詞望諸亭  
等將臺下明張國房慶園十三畝有奇圍入築路鑿池  
蒔花種樹數年後當有可觀者

叢臺集

卷二記 紀事共七首

據勝亭記

明楊 真

據勝何名名叢臺也叢臺何據據城勝也名不叢臺何蓋  
亡國也臺故趙武靈王遊樂之所世傳在趙宮中有雲洞  
天橋花苑粧閣諸景世變臺圯頽然荒邱過者與歎有國  
家者宜鑒於茲甲午春季凡川子飭兵趨地闔城邯鄲至  
東北隅度臺距城不尋丈其勢巖然出城表乃大驚曰視  
生處高相遠無登言擇勢也天時不如地利言據險也高  
臺迫城敵或我乘仰而受敵邑其殆哉臺昔禍趙今將禍  
我矣乃屬屬吏王丞景鳩工課程築土環城隅南以北胥  
連城雉堞如式民日子來旬月告舉景進曰必成樓乃可  
叢臺集

守凡川子曰亭費省其亭之景悉心營構合且完以馬政  
入郡請改命新簿呂彬舉厥美焉厥歲秋凡川子再登落  
其成也乃勞衆曰據茲勝構茲亭邑永賴哉不穀責也爾  
丞爾簿爾徒勞厥役哉其以據勝區之司教楊瑞張元傑  
者愿階請曰臺名古矣大夫載易據勝設險保民善哉胎  
厥嘉謨必勒珉以詔永世司土者其有勸經費理牧曰省  
月試俾勿懷凡川子從之於戲臺固遊樂地趙荒之而後  
武安君之闖入馬服君之子將國用以亡時有相如廉頗  
樂毅諸賢不能禁苟移其崇臺者而崇諸君子則秦不能  
兼漢不能燬趙雖至今存可也我安得亭之千古而下悲  
趙惜趙者樂毅一書焉且不信仁賢則國空虛臺何有哉  
是故藉臺而城微亡而存頗牧樂毅諸賢復起不能易矣

今而後職厥土者新厥臺臨厥亭者輯厥衆用戒不虞保厥畿輔人和地利胥恃永固不穀豈真崇觀美爾哉故述其概以告凡川子何蜀人楊葵也

縣尹張公修城記

明唐 葵

城以捍外衛內故王公設險以守其國為民牧者必先焉邯鄲城建自洪武之世迄今百五十年為風雨傾圮正德庚午陝西米脂張公偉者由太學之英來涇茲邑廉勤公慎百廢俱興歲辛未流寇猖獗公賭茲城弗堪保衛亟請於撫巡咸是之公竭慮營度分工修築幾二旬就緒高踰三丈濶二丈圍一萬五十尺每五十尺設一臺而垛口則二千四百有奇門六東西者四南北者二悉有樓櫓門旁復置墩臺令人便守城西沁水迫城改去半里許以防衝

叢臺集

二

決城東叢臺突兀恐賊據以窺我即於城<sub>中</sub>建對敵樓勢與臺相當工肇於九月之朔訖於十月之望及撫巡按臨深嘉其績咸移文獎諭城成百凡備預靡不竭盡心力十二月十五日賊突至公著戎服率精銳循城堅守賊欲近門而臺制之欲登叢臺而樓制之已知其有備乃引去城<sub>中</sub>毫無犯焉邑民張瀚等謁余曰茲城圯久矣非我侯孰成之今易危為安出生於死者城之力也願微一言以示久遠以存去思余惟政之美於一時而不可久者必假言以宣之今公之績建於一時而垂於百世似無假於言也顧恐後之人止知功之成而不知趨事者之樂知功之大而不知成於日月之間知城之無恙而不知置其身於生死存亡之際<sub>叢臺</sub>定平有旦夕之危卒得藉此以活數十萬生

靈於衽席之安也城之力公之澤也余故得從其請而書之

創建三忠祠記

明 盧龍雲

按邯鄲舊有四賢祠祀廉頗藺相如李牧趙奢今與三忠祠俱夷廢不可尋跡壬戌秋增修叢臺將臺下明張大保廢園十餘畝圍入鑿池築路植花種樹建七賢祠合祠三忠四賢云

余隨牒在趙每於政暇時登古叢臺眺趙氏遺墟憶趙之先自烈侯而下雄於戰國者百六十年亦曾悉趙之所以始乎當屠岸賈之矯以君命而將不利於趙也韓厥告趙朔亡胡不肯而曰子必不絕趙祀朔死無恨韓與之諾君子謂成敗利鈍未可逆知非厥之盟諸心者定詎能必其言之可復耶下宮之難趙氏所曰不絕者賴一遺孤在耳

叢臺集

三

岸賈索之方急人誰不愛其生而孰敢將虎鬚為哉公孫杵臼毅然以死當之陽與他兒匿山中甘受誅戮無悔所以曲全趙孤者意識獨切矣藉今程嬰而非可與成大事者則山中十五年不過與鹿豕草木同偶亦奚益於趙之存亡也維其蓄謀積慮待時而發而一念忠貞矢死靡渝幸天不絕趙宗韓因機而相之卒能反攻岸賈而立趙後乃旋容就死下報公孫馮乎烈矣余聞趙氏數百家每有祭祀必別設客位而祝焉亦趙武愿苦筋骨以報之遺意與三子者或死於前或死於後或不死而維持於其中總之趙氏忠臣未易以輕重為者也其信義明於秋霜忠誠炳如烈日千載而下凜然猶有生氣視末世偷生免死朝君臣而暮仇敵者可同日語哉今入趙二年因講求祀典

而嘆潛德之未彰也為建三忠祠於叢臺之下使後之登叢臺者覽趙國餘勝而因之以頌三子之功不衰焉或曰三忠忠於趙者也趙之侯王去此且數千年彼廟食得終趙世而與國同存亡幸矣更祀奚益余曰所以祠三子者非為趙崇報也為千古之遺忠重耳過是祠者瞻望而敬惕焉忠節之念豈不油然而興乎如或以生死禍福變其志以盛衰久近易其言皆不容於三子者也况敢有欺人之孤而甘與岸賈同族者哉若是則不可無祠矣是用識之於石以告諸來謁者

望諸君祠記

清鄭方坤

按叢臺下舊祠今已不存任成秋增修叢臺園入張太保園之地本後湖今已涸湖心有臺舊有祠

叢臺集

四

址今就其上建望諸亭鑿湖導水環其四圍并築堤二以與七賢祠叢台通亦鄭公殺祠之遺志也按史樂毅其先為魏將至殺趙人舉之會沙邱之變通魏為魏使燕因仕燕代齊之役齊田單用反間惠王使騎劫代將殺復歸趙趙封於觀津號望諸君故至今稱望諸君云舊無廟趙人以為憾余為度叢台下武靈王廢苑中立祠因曰公之於燕義不忍絕其報惠王書纏綿愷惻後復數往來燕國雖死其神當在雁門易水之間何有於趙雖然公固始舉於趙及其憂讒畏譏感慶靡騁惟趙是依而趙人復重公魂魄應戀此耳昔讀離騷哀屈原之志公去燕與屈原迹雖異而志則同離騷哀怨愁苦之思一篇三致意公之書亦往往讀之廢卷而嘆又况趙乃公生平始

終此地無不服其義想見其為人者哉祠成記之復系詩一章以侑神馬昔公歸趙舉國懽迎今公胡往數人荒塋我求公宅烟斷草平怒馬流涕野老春耕千百年後忠愛威靈武靈廢苑屋三楹風朝雨夕聞有人聲咨嗟嘆息似報書成迺者歲序詣公廟門詩既有旨酒亦有香醑神其鑒止無忘趙人詩叢臺之上有山列屏叢臺之下有水灌纓魂魄戀此賢關曩情曩情安在子弟父兄不見趙人念公至今詩

叢臺紀事

清張慎發

余昔家居懷古嘗考宋人北轅錄云邯鄲有叢臺世傳趙武靈王所築其西北有照眉池皆趙宮人遊玩之地按漢書高后元年書趙叢台大周書靜帝詔美隋王稱功叢臺

叢臺集

五

以北易水以南云云夫以一臺之微而主勞史筆動詔書則叢台者豈非天下絕勝之境哉遠余謫選都門走邯鄲道邯鄲中間及叢台勝地里人輒與黃梁並蔡特未暇登眺迨歲之己酉適分符作邯鄲守衡城觀所為叢台者顧僅區區一杯土耳規模雖存傾圮殊甚令人不堪俯仰因歎曰是固天下絕勝之境也而今且如何者一日覽邑志知叢台本在城東北明嘉靖間會蒞盜起兵備楊公奭慮其逼城為害乃築甬通與城相連臺上建據勝亭三間自為記在石丙午前尹董威修城並及叢台內劇出金人詩二石下又得井一幹丁巳前尹向淇於臺下建書院一所後兵備陳公從風水家言改建臺上自茲而後前尹朱光祚歐陽調律相繼重修代有扁額仕宦往來歌詠佳句頗多

或載在木簡或勒之貞珉不猶然天下絕勝之境哉乃遲  
久至今而風雨漸摧物力銷毀向之所謂絕勝者不能不  
胥就頽沒矣余時輒殷殷有修理志顧力未逮也越三載  
歲在辛亥春三月始鳩工起事由下而上次門樓次甬道  
次照壁大廳據勝亭摩雲閣廚房月臺上下門房牆壁以  
漸就理盡起其敝者而維新之舉從前匾額其存者仍與  
繪之懸之詩歌之在石者仍與砌之壁上且前代修理姓  
名仍與大書並紀以示不掩人善之義比落成計四月有  
餘總之天下絕勝之境原不可廢惟在後之人為天下增  
美之俾永作大觀庶古人有遺蹟不至自我而墜也余於  
此役豈曰好事云乎哉

英公修城記

清崔華山

叢臺集

六

古云其人存則其政舉政無形有形形之者觀形可以見  
政攷吾邑自趙氏建國城郭高固當雄一時故史稱邯鄲  
為趙都會二千年興廢遞嬗而地形險要城垣廣闊猶可  
想像明洪武初建城縮而小之迨正德辛未嘉靖丙午間  
屢經修築復為開拓廣闊雖不及前迺立四門四門有仇  
迺築垣墉垣墉屹屹矣自時厥後入國朝又二百餘年風  
雨剝蝕缺處如山徑出入不由門者數處咸豐辛酉東賊  
屢擾城內咸被蹂躪蕭條之象與莊村等當事者即欲修  
理苦無端緒同治癸亥秋英公蒞門注注吾邑下車六日  
賊突至百姓屢經寇劫聞警各為獸散公率眾登叢臺以  
禦時賊屯城東北蘇曹等村賊馬逼近城垣眾咸股栗公  
獨屹然不動賊偵知有備壯氣人謂公獨守空城顏平原